



UNIVERSITÄTS-  
BIBLIOTHEK  
PADERBORN

**Juris Canonici Theoria Et Praxis, Ad Forum Tam  
Sacramentale quàm contentiosum, tum Ecclesiasticum,  
tum Seculare**

**Cabassut, Jean**

**Lugduni, 1698**

XVI. De Suspensione.

---

[urn:nbn:de:hbz:466:1-62355](https://nbn-resolving.org/urn:nbn:de:hbz:466:1-62355)

liter in tota Gallia Episcopis reservati, quorum etiam absolutionem possunt inferioribus Sacerdotibus delegare. Singuli verò Episcopi possunt pro suo rationabili arbitrio alios quosdam casus intra suarum Diocesium fines sibi reservare, atque ab huiusmodi sine speciali facultate nequeunt subiecti Sacerdotes quemquam absolvere, sicut neque à quibuscumque censuris, quas Prælati irrogavit ut homo, seu particularis Iudex, & non ut Legislator, cap. *Per tuas*, & cap. *Sacro*, de sent. excom. nisi ex speciali delegatione ab Episcopo.

XXIII. Sed vel mortuo, vel remoto ab Officio Prælati, qui non ut Legislator, sed tanquam Iudex censuram inflixit, non cessat quidem censura in eo qui illam antea contraxerat, nam opus habet absolvi; sed tamen ita cessat, ut nemo illam posthac contrahere possit, nisi per successorem renovetur, cap. *fin. de officio Legati*, & cap. *Pastoralis*, §. *Præterea*, de offic. judic. deleg. Eiusmodi est monitorium revelandi aliquid sub excommunicationis pœna: hæc namque nōminem ligat, si intermoriatur Prælati qui iussit, nisi vel à successore, vel à Capitulo, Sedente vacante, renovetur.



CAPUT XVI.

De Suspensione.

I. **S**uspensio communiter, & rectè describitur, Censura Ecclesiastica, quâ persona Ecclesiastica privatur usu ac exercitio sui Beneficii, vel Officii, in totum, vel in partem, ad perpetuum, vel ad certum tempus. Est itaque multiplex suspensio: una quidem ab Officio, quæ Ordinem & jurisdictionem complectitur: alia à Beneficio: tertiâ ab Officio simul & Beneficio. Atque istæ tres latitudinem habent, cum possint esse in totum, vel in partem; ad certum tempus, vel ad omnem vitam. Item suspensionum alia sunt à jure, alia ab homine, sicut de excommunicationibus superius dictum fuit.

II. Porro suspensus ab omni Officio, validè quidem, sed illicitè actus Ordinis exercet, quatenus ab Ecclesiæ decretis alicui absolute auferrî non potest Ordinis character & potestas: & ita valebit actus consecrationis, ordinationis, Confirmationis, benedictionis Virginum, Altarium. Sed jurisdictionis actus invalidè prorsus exercebit, quia eadem Ecclesiæ potestate sicut conferri, ita & omninò adimi potest j. *Beneficio*: ideoque taliter suspensî absolutio sacramentalis nulla prorsus erit.

DDd

III, Exactor

III. Exactor est observatio suspensionum à Jure atque irregularitatum, quàm excommunicationum à Jure. Cùm enim suspensio & irregularitas relationem habeant specialem ad Ordines & Beneficia, inde fit ut aviditas captantium aliena Beneficia omnes rimetur suspiciones inhabilitatum ad Beneficia, ut si quam invenerint in aliquo proviso, illius Beneficium sibi vendicent titulo devoluti. Aliunde verò Clerici provisi aut providendi, si quid in se advertant unde posset ipsis controversia de Beneficio moveri, sibi sedulo provideant Apostolicas literas dispensationis, absolutionis ac rehabilitationis. Eademque ex causa fit ut excommunicationes Juris adversus simoniacos & confidentarios maximè vigeant occasione impetrandi Beneficia, aut adepta conservandi. Hac de causa omnes Juris suspensiones exactius persequemur.

IV. Primò suspenditur Clericus aut Religiosus recipiens Ordinem ficto patrimonio, vel Beneficio, ex Decreto Pii V. incipiente, *Romanus Pontifex*. Hac suspensio (inquit Bonacina de censuris disp. 3. punct. 5. §. 1. num. 1.) videtur Episcopo reservata. Cui addo non videri in Gallia receptam.

V. Secundò suspenduntur Clerici pacifcentes ante ordinationem, vel cum Patrono presentante, quod non petent victum, alimenta aut provisionem. Suspenditur præterea Beneficiarius presentans Clericum ad titulum sui Beneficii, ut illi conferantur Ordines, cum pacto non petendi fructus ad sui sustentationem. Ordinator quidem à collatione: presentator ab executione Ordinum per triennium: ordinatus verò ab Ordine sic suscepto donec fuerit à Papa dispensatus, suspensi sunt, cap. *Si quis ordinaverit*, penult. de simon.

VI. Tertio suspenduntur qui recipiunt majores Ordines extra tempora ab Ecclesia constituta, vel ante legitimam ætatem, vel sine dimissionibus, ut habetur in Constitutione Pii II. quæ incipit, *Cum ex sacrorum*, & altera Sixti V. quæ incipit, *Sanctum & salutare*. Et privat usu omnium Ordinum susceptorum. Sixtus idem hanc suspensionem reservavit Summo Pontifici: verumtamen Clemens VIII. in Bulla incipiente, *Romanorum Pontificem docet*, redigit ad dispositionem Concilii Tridentini. Itaque potest Episcopus in hac suspensione, si sit occulta, dispensare. Sayrus, & Bonacina.

VII. Hic queritur primò, utrum recipiens minores Ordines ante legitimam ætatem, sit suspensus? Respondetur negativè, juxta Covarruviam, Suarez, Bonacinam; quia nullo textu ea pena infligitur. Queritur secundò, utrum recipiens Ordinem quemcunque non servatis interstitiis, incurrat suspensionem? Respondetur quoque negativè, juxta Suarez, Filliucium, Bonacinam. Ratio in promptu est, quia nulla est inducenda censura quam Jus non expresserit. Incurritur tamen grave peccatum in his duobus casibus, quatenus in re gravi prohibitio Ecclesiæ violatur.

VIII. Quarto

VIII. Quartò suspenduntur ab exequutione posterioris Ordinis quod duos Ordines sacros, aut qui minores cum Subdiaconatu suscipiunt, *cap. Literas*, de temp. ordin. Item qui duos Ordines sacros duobus diebus contumuis ac immediatis recipiunt, d. *cap. Literas*.

IX. Quinta suspensio est contra Clericum qui vacante Episcopatu, & non arctatus occasione Beneficii recepti aut recipiendi, sacros Ordines recepit, etsi habeat à Capitulo literas dimissorias. Suspenditur item ab exequutione majorum Ordinum ad beneplacitum Episcopi futuri. Capitulum verò contraveniens subjacet Ecclesiastico interdicto. Qui autem minores suscepit Ordines Sede vacante, privilegii Clericalis privatione, non autem ullà censurà punitur. Sed transacto vacationis anno cessant hæc prohibitiones. Concilium Tridentin. sess. 7. cap. 10.

X. Sextò Clericus qui per saltum sumit Ordinem superiorem, suspensus est ab illo Ordine suscepto, donec inferiorem prætermisum receperit, *cap. unico*, de Cler. per salt. prom. Potest tamen Episcopus ex causa cum sic promotò dispensare, dummodò non ministraverit, ex Concilio Tridentino sess. 23. cap. 14.

XI. Septimò suspenduntur ab exequutione Ordinum, quicumque ordinantur ab Episcopo excommunicato, suspensò, aut interdictò denunciato, seu vitando, *cap. 1. & 2. de schismat.* Idem jus est in ordinato per Episcopum simoniacum per sententiam declaratum, *can. Si quis à simoniaco*, 1. quest. 1.

XII. Octavò suspenditur ab Ordine suscepto quisquis Ordinem sacrum suscepit ab Episcopo qui Episcopatu & Ordinis Episcopalis usui renunciat: & hæc suspensio reservatur Papæ, *cap. 1. de ordinat. ab Episc. qui Episcopatu renunc.*

XIII. Nonò suspenditur ab Ordinibus qui aliquem Ordinem scienter suscipit per simoniam, quanvis occultam: istaque suspensio reservatur Episcopo, *cap. penult. & cap. Per tuas*, de simon. & Extrav. 2. de simon.

XIV. Decimò qui scienter Ordinem in excommunicatione accepit, suspensus est ab Ordine sic suscepto, *cap. Cum illorum*, de sent. excomm. ubi quoque hæc suspensio reservatur Papæ.

XV. Undecimò est suspensus, aut juxta alios est irregularis quisquis furtivè, hoc est, ut exponitur à Glossa & Doctoribus, in scio Episcopo, nec approbante, nec examinante Ordinem suscepit, qualis ille est qui non vocatus, vel non approbatus accessit ad Ordines, aut qui alium in sui locum, suoque e mentito nomine examini submittit, deinde vocatus proprio nomine accessit, & Ordinem recepit, *cap. 1. 2. & 3. de eo qui furtivè Ord. susc.* ubi datur facultas Episcopo dispensandi cum sic ordinato ad Diaconatum, ut possit idem ad Sacerdotium promoveri. Vide Bonacinam de censur. & irregul. disp. 7. quest. 3. punct. 4. n. 6.

XVI. Duodecimò is qui post matrimonium contractum, etiam non consummatum, exceptis casibus à Canonibus concessis, suscipit Ordinem sacrum, suspenditur simul ab eodem Ordine, & ab Officio & Beneficio, cum reservatione ad Papam, extravag. *Antiqua*, de voto: nisi fortè solvatur matrimonium per professionem validè emissam: quo casu Episcopus dispensare potest, juxta dictam extravag.

XVII. Decimotertio suspenditur per annum à Communione Presbyter qui celebrat Missam, & in ea non communicat, can. *Relatum*, et consecrat. dist. 2.

XVIII. Decimoquarto suspenduntur Clerici ab ingressu Ecclesie donec ad arbitrium Prælati satisfecerint, quicumque in loco interdicto celebrant aut celebrare faciunt, cap. *Episcoporum*, de privileg. in 6.

XIX. Decimaquinta suspensio est in Sacerdotem præsumptum omittere Missam incompletam sine gravi causa, can. *Nullus Episcopus*, de consecr. dist. 1.

XX. Decimafexta in Clericos etiam regulares & exemptos, qui admittunt ad Sacramenta, vel ad Ecclesiasticam sepulturam, vel ad divina Officia publicè excommunicatos, suspensos, vel interdictos: hi enim suspenduntur, aut potius interdicuntur ab ingressu Ecclesie donec Episcopo satisfecerint ad ipsius arbitrium, cap. *Episcoporum*, de privileg. in 6.

XXI. Decimaseptima contra illos qui manifestos usurarios admittunt ad Communionem Altaris, ad sepulturam Ecclesiasticam, vel recipiunt eorum oblationem priusquam vel satisfecerint, vel idoneam cautionem de satisfactione dederint. Hi suspensi sunt ab Officii executione donec ad arbitrium Episcopi satisfecerint, cap. *Quia in omnibus*, de usur.

XXII. Decimaoctava contra Sacerdotem secularem, vel regularem conjungentem in matrimonium, vel benedicientem subditos alterius Parochi absque ejus licentia, vel Ordinarii. Hec suspensio est ab Officio, & durat donec ab Ordinario Parochi solvatur. Concil. Trident. sess. 24. cap. 1. de reform.

XXIII. Decimanona suspensio in Clericum Beneficiarium publicè, & absque ratione causa utentem exterius partita, seu variegata veste, idest discolori. Hic suspenditur sex mensibus à recipiendis fructibus Beneficiorum. Clericus verò non Beneficiarius, sed tamen initiatus Ordine sacro, suspenditur per sex menses à quocumque Beneficio recipiendo. Clement. 2. de vita & honest. Cler.

XXIV. Vigesima in Clericum alienis debitis Ecclesiam sibi commissam gravare præsumptum, aut literas, vel sigilla alteri concedere, quibus obligari possit. Hic ligatur suspensione ab administratione temporalium & spiritualium Episcopo reservata, cap. 2. de solutionibus.

XXV. Vigesima prima in eos qui Sede vacante Ecclesie Cathedralis, Collegiate, aut Regularis occupant bona spectantia ad Prælatum defunctum,

etiam non ad successorem, vel ad ipsam Sedem. Hi suspenduntur ab Officiis & Beneficiis, donec integrè restituant, cap. *Quia sepe*, de electione, in 6. Similis fertur suspensio in Clericos Episcopis inferiores, qui bona vacantium Ecclesiarum sibi subiectarum in suos usus convertunt. Episcopi autem id facientes ab ingressu Ecclesie suspenduntur, cap. *Presenti*, de officio Ordinari, in 6.

XXVI. Vigesima secunda suspenditur per triennium à Beneficiis quæ possidet in Ecclesia, de cuius electione agitur, compromissarius scilicet eligens indignum ad Episcopatum, cap. *Si compromissarius*, de elect. in 6.

XXVII. Vigesima tertia est adversus quosvis eligentes indignum ad Episcopatum, aut ad inferiora Beneficia, quibus annectitur cura animarum; qui pariter suspenduntur triennio à Beneficiis, cap. *Cum in cunctis*, de elect. in 6.

XXVIII. Vigesima quarta suspendit eadem poenâ eos qui electionem aut postulationem impugnant, sed in probatione deficiunt, objicientes quæ probare non possunt, d. cap. *Si compromissarius*, de elect. in 6.

XXIX. Vigesima quinta est in electores Episcoporum, qui si infra octo dies postquam commodè potuerint, præsentationem electo culpabiliter non præsentaverint, suspenduntur triennio à Beneficiis quæ in eadem Ecclesia possident, cap. *Cupientes*, §. *Ceterum*, de elect.

XXX. Vigesima sexta contra illos qui per abusum secularis Potestatis contra canonicam libertatem præsumperint aliquem ad Ecclesiasticam præbendam eligere: hi namque per triennium suspendendi sunt à Beneficiis & Officiis; & hac vice privantur eligendi potestate: & consequenter electus ab eis non habetur pro electo, cap. *Quisquis*, de elect.

XXXI. Vigesima septima in conferentes, vel recipientes illorum Beneficia qui pro suis negotiis ad Romanam Curiam accesserunt, aut aliqua negotia in ea gerunt. Hi suspenduntur ab Officio simul & Beneficio, extr. 3, de privil. Quæ suspensio reservatur Episcopo.

XXXII. Vigesima octava suspensio in exercentes munus Conservatoris, si se intromittant scilicet de aliis quàm de manifestis injuriis & violentiis, aut suam potestatem ad alia quæ judicalem indaginem requirunt, scilicet extendant, cap. ult. de officio deleg. in 6.

XXXIII. Vigesima nona Judicem Ecclesiasticum non Episcopum suspendit per annum ab executione Officii, qui facit injuriam contra justitiam & conscientiam Parti litiganti, amore, odio vel pretio, cap. *Cum aterni*, de sent. & re judic. in 6.

XXXIV. Trigesima contra Judicem excommunicantem sine scriptura, aut sine causæ expressione, vel qui requisitus non tradit copiam scripturæ intra mensem: hic suspenditur ab ingressu Ecclesie, & à Divinis Officiis per mensem, cap. *Cum medicinalis*, de sent. excom. in 6. Præterea censurâ interdicti ab ingressu Ecclesie ligatur per mensem Judex Ecclesiasticus

sticus excommunicans sine monitione & testibus, cap. *Sacro*, de sent. excomm. & cap. 1. de sent. excomm. in 6. Hæc tamen suspensio non attingit Episcopos, ut admonet Glossa in d. cap. 1. verbo *Judicium*. Nam ut ait caput *Quia periculosum*, eod. tit. in 6. nulla constitutio, aut sententia suspensionis vel interdicti ligat Episcopos, nisi specialiter hos exprimat.

XXXV. Trigesima prima suspendit ab Officio & Beneficio Visitatores recipientes in visitatione pecuniam aut munera, donec intra mensem restituerint duplum eidem Ecclesiæ à qua receperunt, non obstante quavis remissione, cap. *Exigit*, de censib. in 6.

XXXVI. Trigesima secunda non solum contra eum qui præsumit coram multitudine hominum disputare de Conceptione Virginis Mariæ in alterutram partem, sive asserendo, sive negando; sed etiam contra quemcumque est, qui præsumit de hac ipsa questione cujusvis aut pietatis, aut necessitatis prætextu vulgari lingua scribere, vel dictare. Hic enim si est in sacris, suspenditur à divinis, nec non privatur ipso gradu & dignitate, & ad similem redditur inhabilis, isque à solo Papa dispensari potest et Bulla Pii V. quæ incipit, *Super specula*. Deinde Gregorius XV. sub eisdem pœnis prohibuit, ne quis audeat in publicis concionibus, lectionibus, conclusionibus & aliis quibuscumque actibus publicis asserere, Beatissimam Virginem Mariam fuisse conceptam in peccato originali: declarans tamen ibidem se per hoc nullatenus intendere reprobare aut præjudicium inferre opinioni asserenti conceptam fuisse in peccato originali. Præterea ad evitanda scandala & rixas quæ nascebantur ex prædicta opinione, prohibet sub eisdem pœnis, ne quis palam, etiam in scriptis aut sermonibus privatis audeat asserere Beatissimam Virginem fuisse in peccato originali conceptam & ne quisquam alio vocabulo quam Conceptionis utatur circa festum Conceptionis Virginis Mariæ.

XXXVII. Trigesima tertia suspensio ab Ordinibus & Dignitatibus est in illos qui sponte jurant de tenendo schismate, cap. 1. de schismat.

XXXVIII. Trigesima quarta est in Clericos notorios concubinos, qui incurrerant suspensionem totalem, quæ perdurabat quamdiu Clericus in eo delicto permanebat, cap. *Si qui sum*, dist. 81. cap. *Quæstum*, de cohabit. cler. & mulier. Et prohibent canon *Nullus*, & canon *Præter*, dist. 21. audiri Missam notoriè concubinarij Sacerdotis. Prædictam tamen penam per non usum abolitam fuit deinde sequuta Tridentini Concilii sanctio sess. 25. cap. 14. de reformat. decernens ut si Clericus concubiniarius à Superioribus monitus non destiterit, tertia parte mulctetur proventuum Beneficiorum suorum & pensionum. Si verò secundo admonitus non paruerit, privetur integris proventibus Beneficiorum, & pensionibus Ecclesiasticis, & insuper ipsorum Beneficiorum administratione quoad Ordinarius arbitrabitur. Et si ita suspensi nihilominus fœminas à se non expellant, aut cum eis versari pergant, tunc Beneficiis, portionibus & pensionibus priventur.

ventur in perpetuum, & inhabiles ad talia imposterum reddantur, donec post manifestam vitæ emendationem à Superioribus, cum eis visum fuerit, ex causa dispensatum fuerit. Sed si Clericus postquam foeminam semel dimiserit, interimissum consortium cum ea, vel altera reperat, præter prædictas poenas excommunicationis gladio plectatur, cujus exequutionem nulla possit appellatio aut exemptio suspendere. Clericos verò concubinos ac fornicarios, qui Beneficia, vel pensiones Ecclesiasticas non habent, jubet juxta delicti perseverantiam & qualitatem ab Episcopo penâ carceris, suspensione ab Ordine, ac inhabilitate ad Beneficia obtinenda, aliisve modis juxta sacros Canones puniri.



CAPUT XVII.

Suspensiones lata contra Episcopos, Conventus  
& Capitula.

**I.** EPISCOPI, Abbates & Prælati Religionum promoti ab Apostolica Sede, administrationem suarum Ecclesiarum subeuntes absque litteris authenticis ejusdem Sedis, suspenduntur à perceptione fructuum earundem Ecclesiarum, extrav. 1. de elect. inter communes. Capitula verò harum Ecclesiarum, quæ illos sine litteris admittunt, suspenduntur à Beneficiis, donec à Papa gratiam obtineant, d. extrav. 1.

II. Episcopus consecrationem accipiens ab excommunicatis, suspensus, aut interdictis (intellige vitandis, juxta extravag. *Ad evitanda*) suspensus est à Pontificalibus, can. *Gratia*, 1. quæst. 1. & cap. 1. & 2. de schismat.

III. Episcopus non servans Extravagantem 2. de elect. Joannis XXII. circa perceptionem fructuum primi vel secundi anni sui Episcopatus, suspenditur à Pontificalibus & ingressu Ecclesiæ, donec restitutio fiat.

IV. Suspenditur à Pontificalibus Episcopus conferens Ordines, aut primam Tonsuram extraneo absque proprii Episcopi licentia: Clericus autem recipiens est suspensus ab Ordine suscepto ad arbitrium proprii Episcopi. Concil. Trident. sess. 6. cap. 5. de reform. & sess. 23. cap. 8.

V. Episcopus ordinans in aliena dicecesi sine expressa licentia Ordinarii loci, aut ordinans de illius licentia personas non subditas, suspenditur à Pontificalibus. Concil. Tridentin. sess. 14. cap. 2. & sess. 23. cap. 8.

VI. Ordinans Religiosum non professum suspensus est per annum à collatione Ordinum quos ei contulit, ex Bulla Pii V. quam refert Navarra cap. 2.